



ADRODDIAD I FWRDD UCHELGAIS ECONOMAIDD GOGLEDD CYMRU

28 Ionawr 2022

TEITL: Cynllun Twf Gogledd Cymru - Adroddiad Perfformiad Chwarter 3

AWDUR: Hedd Vaughan-Evans, Rheolwr Gweithrediadau

1. PWRPAS YR ADRODDIAD

- 1.1. Pwrpas yr adroddiad yw cyflwyno adroddiad Chwarter 3 (Hydref - Rhagfyr) y Cynllun Twf a Chofrestr Risg y Portffolio wedi'i diweddaru.
- 1.2. Mae adrodd chwarterol ar gynnydd yn erbyn Cynllun Twf Gogledd Cymru yn un o ofynion Cytundeb Terfynol y Cynllun Twf. Yn dilyn ystyriaeth gan Fwrdd Uchelgais Economaidd Gogledd Cymru, caiff yr adroddiadau eu rhannu gyda Llywodraeth Cymru, Llywodraeth y DU a phwyllgorau craffu'r awdurdodau lleol.

2. Y PENDERFYNIAD A GEISIR

- 2.1. Bod y Bwrdd yn ystyried ac yn nodi Adroddiad Perfformiad Chwarter 3 a Chofrestr Risg y Portffolio wedi'i diweddaru.
- 2.2. Bod y Bwrdd yn cymeradwyo cyflwyno Adroddiad Perfformiad Chwarter 3 i Lywodraeth Cymru a Llywodraeth y DU, ynghyd â phwyllgorau craffu'r awdurdodau lleol.

3. Y RHESYMAU DROS Y PENDERFYNIAD

- 3.1. Fel sydd wedi'i nodi yn yr adroddiad.

4. CEFNDIR AC YSTYRIAETHAU PERTHNASOL

- 4.1. Ym mis Rhagfyr 2020, fe wnaeth y Bwrdd Uchelgais a Llywodraethau Cymru a'r DU gytuno ar y Cytundeb Terfynol ar gyfer Cynllun Twf Gogledd Cymru.
- 4.2. Mae adrodd rheolaidd ar gynnydd yn erbyn Cynllun Twf Gogledd Cymru yn un o ofynion Cytundeb Terfynol y Cynllun Twf.
- 4.3. Mae dau atodiad i'r adroddiad hwn:
 - Cynllun Twf Gogledd Cymru - Adroddiad Perfformiad Chwarter 3
 - Cofrestr Risg y Portffolio - Ionawr 2022

Cynllun Twf Gogledd Cymru - Adroddiad Perfformiad Chwarter 3

- 4.4. Mae adroddiad perfformiad Chwarter 3 yn darparu trosolwg o gynnydd ar raglenni a phrosiectau'r Cynllun Twf.

- 4.5. Y chwarter hwn, gwelwyd Cynllun Busnes Llawn (FBC) cyntaf Cynllun Twf Gogledd Cymru yn cael ei gymeradwyo. Cymeradwywyd y prosiect Canolfan Prosesu Signal Digidol (DSP) gyda Phrifysgol Bangor ym mis Rhagfyr 2021 yn dilyn cwblhau'r broses caffael. Mae'r Ganolfan DSP wedi sicrhau cyllid o £3m drwy'r Cynllun Twf i fuddsoddi mewn offer arloesol a fydd yn datblygu'r cyfleuster ynghyd â chefnogi creu hyd at 40 o swyddi newydd. Mae Llywodraethau Cymru a'r DU yn cydnabod bod y prosiect yn hanfodol i ddatblygiad a dyfodol y Gogledd a'r economi ehangach
- 4.6. Mae dau brosiect pellach wedi cwblhau eu hadolygiadau sicrwydd Porth 2 yn llwyddiannus yn ystod y chwarter hwn. Fe wnaeth prosiect Cyn Ysbyty Gogledd Cymru, Dinbych gwblhau ei adolygiad ym mis Hydref 2021 gyda phrosiect Fferm Sero Net Llysfasi yn cwblhau ei adolygiad ym mis Tachwedd 2021. Mae'r ddau brosiect yn gweithio ar roi sylwi i'r argymhellion fel rhan o'r gwaith o ddatblygu eu hachosion busnes.
- 4.7. Yn sgil mabwysiadu diweddariad 2021 i Achos Busnes y Portffolio ym mis Medi, fe wnaethom gyflwyno'r diweddariad i Lywodraeth Cymru a Llywodraeth y DU fel rhan o'r broses dyfarnu cyllid flynyddol. Roedd hyn yn cynnwys cyflwyniad i fwrdd Llywodraeth Cymru a Llywodraeth y DU ar y cyd ym mis Rhagfyr 2021.
- 4.8. Fe wnaethom lansio ein brand newydd 'Uchelgais Gogledd Cymru' a'n gwefan newydd - <https://uchelgaigogledd.cymru> ym mis Tachwedd 2021. Bydd y brand a'r wefan newydd yn declynnau ymgysylltu allweddol ar gyfer y Cynllun Twf wrth symud ymlaen, yn benodol wrth i ni gynyddu ein gweithgareddau ymgysylltu gyda busnesau a buddsoddwyr posib yn y rhanbarth. Ym mis Rhagfyr, fe wnaethom lansio cyhoeddiad 'Adolygiad Rhanbarthol' law yn llaw â Rhanbarth Dinas Caerdydd, Bargaen Ddinesig Bae Abertawe a Thyfu Canolbarth Cymru gan arddangos uchafbwyntiau 2021 ar draws y pedair bargaen ddinesig/twf yng Nghymru.
- 4.9. Cwblhawyd gweithgareddau recriwtio yn ystod y chwarter hwn gyda'r tair swydd olaf yn y tîm wedi derbyn penodiadau ac wedi cychwyn yn eu swyddi ym mis Ionawr 2022. Mae Buddug Owen yn ymuno fel y Rheolwr Prosiect Sgiliau a Chyflogadwyedd, Angharad Williams a Harry Bennett fel Swyddogion Cefnogi Rhaglen. Mae'r Swyddfa Rheoli Portffolio bellach wedi'i llenwi ac yn barod i gyflawni ein rhaglen uchelgeisiol.
- 4.10. Ym mis Rhagfyr 2021, fe wnaethom gynnal ein digwyddiad ymgysylltu'n gynnar â'r farchnad gyda busnesau yn y rhanbarth, a oedd wedi'i dargedu at fentrau bach a chanolig i ddysgu mwy am y Cynllun Twf, ein blaenoriaethau a'r cyfleoedd ar gyfer busnesau dros y blynyddoedd nesaf. Cafodd y digwyddiad dderbyniad da ac esgorodd ar drafodaeth pellach yn 2022.
- 4.11. Mae diweddariad Chwarter 3 yn dangos prosiectau yn adrodd yn erbyn proffil cyflawni Achos Busnes diwygiedig y Portffolio ar gyfer 2021 a gymeradwywyd gan y Bwrdd Uchelgais ym mis Medi 2021. Mae pedwar prosiect yn adrodd yn Goch ar hyn o bryd naill yn sgil risgiau i sgôp y prosiectau, neu oedi sylweddol i amserlenni'r prosiectau:
- Prosiect Canolfan Ragoriaeth Ynni Carbon Isel - prosiect yn cael ei adolygu yn sgil cais i newid y rhagamcanion cyfalaf a referniw.
 - Safle Strategol Allweddol, Bodelwyddan (Y Rhaglen Tir ac Eiddo) - mae caniatâd cynllunio amlinellol ar y safle wedi llithro a bydd angen adolygu'r prosiect pan fydd y polisi cynllunio newydd ar gyfer y safle wedi'i sefydlu.
 - Prosiect Canolfan Opteg a Pheirianneg Menter - prosiect yn cael ei adolygu yn sgil cais i newid y rhagamcanion cyfalaf a referniw.

- Prosiect Canolfan Biotechnoleg Amgylcheddol - prosiect yn cael ei adolygu yn sgil cais i newid y rhagamcanion cyfalaf a referniw.
- 4.12 Ar hyn o bryd, yr unig gwariant hyd yma yw tynnu arian i lawr yn erbyn y dyraniad 1.5% ar gyfer costau'r Swyddfa Rheoli Portffolio. Yn dilyn cymeradwyaeth o'r Achos Busnes Llawn cyntaf yn Rhagfyr 2021, disgwylir gwariant mewn perthynas â phrosiect Canolfan Prosesu Signal Digidol yn Chwarter 4.

Cofrestr Risg y Portffolio – Ionawr 2022

- 4.13 Caiff Cofrestr Risg y Portffolio ei diweddarau'n rheolaidd gan y Swyddfa Rheoli Portffolio a'i hadolygu gan y Bwrdd Portffolio (y Grŵp Swyddogion Gweithredol) a Bwrdd Uchelgais Economaidd Gogledd Cymru yn chwarterol.
- 4.13 Mae'r gofrestr risg wedi'i diweddarau'n llawn gyda nifer o newidiadau wedi'u cofnodi yn y dogfennau, yn cynnwys disgrifiadau risg wedi'u diwygio, sgorio a champau lliniaru diwygiedig ac mae'r sylwadau wedi'u diweddarau ar gyfer yr holl risgiau.
- 4.14 Mae tair gradd risg gweddilliol wedi newid y chwarter hwn 1) risg capasiti wedi lleihau nawr bod gweithgareddau recriwtio'r PMO wedi eu cwblhau, 2) buddsoddiad sector cyhoeddus a 3) amcanion gwario. Mae 2) a 3) wedi codi yn sgil y ffaith bod nifer o geisiadau i newid prosiectau yn cael eu hystyried.

5. GOBLYGIADAU ARIANNOL

- 5.1. Ni chyfyd unrhyw oblygiadau ariannol yn uniongyrchol o gymeradwyo'r penderfyniad a geisir yn yr adroddiad hwn.
- 5.2. Mae'r adroddiad perfformiad chwarterol yn darparu trosolwg o broffil gwariant cyfalaf disgwyliedig cyllid y Cynllun Twf. Yr unig gwariant hyd yma yw yn sgil tynnu arian i lawr yn erbyn y dyraniad 1.5% ar gyfer costau'r Swyddfa Rheoli Portffolio. Yn y dyfodol, bydd fersiynau o'r adroddiad hwn yn cynnwys adrodd ar wariant ariannol yn dilyn cymeradwyo achos busnes y prosiectau.

6. GOBLYGIADAU CYFREITHIOL

- 6.1. Ni chyfyd unrhyw oblygiadau cyfreithiol uniongyrchol o'r adroddiad hwn.
- 6.2. Mae adrodd rheolaidd ar berfformiad y Cynllun Twf yn rhan o'r fframwaith llywodraethu y cytunwyd arno ac yn un o ofynion allweddol Cytundeb Terfynol y Cynllun Twf.

ATODIADAU:

Atodiad 1	Cynllun Twf Gogledd Cymru - Adroddiad Perfformiad Chwarter 3
Atodiad 2	Cofrestr Risg y Portffolio – Ionawr 2022

YMATEB Y SWYDDOGION STATUDOL:

- i. Swyddog Monitro - Awdurdod Lletya:**
Un o brif dasgau'r Bwrdd Uchelgais yw monitro cynnydd a risgiau. Mae angen i'r Bwrdd ystyried y gofrestr a bodloni ei hun ei bod yn adlewyrchu'r statws risg yn gywir a bod camau lliniaru yn derbyn sylw.
- ii. Swyddog Cyllid Statudol (Swyddog Adran 151 yr Awdurdod Lletya):**
Fel y noda paragraff 1.2, mae'r adroddiad hwn yn ofyniad er mwyn gallu parhau i hawlio rhandaliadau grant y Llywodraeth. Byddaf yn parhau i gynorthwyo Swyddfa Rheoli Portffolio'r Bwrdd Uchelgais wrth reoli'r risgiau perthnasol.